



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Præmittitur quod apud omnes est certum, & preferuntur sententiæ

[urn:nbn:de:hbz:466:1-77355](#)

jectione primaria & radicali, quæ est à gratia A sanctificante, existente in essentia animæ, indeque medio habitu charitatis influente voluntati reætitudinem, quâ illam Deo ut ultimo fini subicit. Unde ibidem observat Caetanus, D. Thomam nunquam dixisse, quod formale peccati originalis sit privatio reætitudinis aut subjectionis voluntatis, sed dixit esse privationem originalis justitia, per quam voluntas subdebatur Deo, ut insinuaret talem locutionem translatam esse, & se loqui de subjectione causalib[us] & radicali voluntatis, quæ est à gratia sanctificante, non verò de proxima & formalib[us], quæ est ab habitu charitatis: quapropter in aliis locis supra adducet, S. Doctor, loco voluntatis, ponit mentem, quæ primariò dicit ipsam animam.

ARTICVLVS VII.

An pueri cum solo originali decedentes subeant penam gehenne & combustionis aeternæ, vel saltē aliquam ex pena damni tristitiam patiantur?

§. I.

Premittitur quod apud omnes est certum, & referuntur sententia.

162. CERTVM & indubitatum est apud Catholicos, infantes decedentes sine baptismo, & cum solo originali peccato ex hac vita migrantes, penâ damni, consiliente in carentia visionis intuitivæ Dei, de facto puniri. Id enim aperte ex Scriptura colligitur, Joan. 3. Nisi quis renatus fuerit ex aqua & Spiritu Sancto, non potest introire in regnum Dei: Et 1. ad Corinth. 2. Sicut in Adam omnes moriuntur, ita in Christo omnes vivificabuntur: id est, nemo à morte contracta per Adamum liberatur, nisi Christo ut capiti uniat[ur]; quæ unio non fit nisi per baptismum, per quem Christo inco[m]poratur, & membra ejus efficiuntur. Idem definitivus Synodus Palestina, seu Diocopolitanus, ut testatur S. August. lib. de gestis Pelagii cap. 8. & Epist. 106. Synodus etiam Carthaginensis & Melitana apud eundem Epist. 90. & 92. & Tridentinum scilicet in decreto de peccato origin. can. 4. & 5. Favent etiam SS. Patres, illi præcipue qui refuterunt hæresi Pelagiana, cuius unum ex principiis dogmatibus hoc erat: Infantes, tametsi non baptizati, vitam aeternam habent. Denique id ratio suadet: Nam sine gratia gratum faciente nemo potest videre Deum: Atqui parvuli cum peccato originali decedentes, gratiâ gratum faciente præditi non sunt, sed ea in penam talis peccati privantur: Ergo puniuntur penâ damni, in carentia visionis intuitivæ Dei consiliente. Minor est certa, Major probatur, Visio Dei est actus supernaturalis perfectus, imo & omnium perfectissimus: Sed actus supernaturalis non potest, connaturaliter saltem, elici sine natura ejusdem ordinis, ut in tractatu de gratia ostendemus: Ergo sine gratia gratum faciente, quæ est natura ordinis supernaturalis, & quæ in illo ordine gerit vices substantia, & principiis radicalis actuorum supernaturalium, nemo potest videre Deum.

163. In hoc, ut dixi, convenient omnes Catholicci

contra Pelagianos. Sed difficultas est & controversia inter Theologos, an parvuli cum solo originali peccato decedentes, præter penam illum damni, in carentia visionis Dei consilientem, penam aliquam sensus patientur, aut saltē an ipsa pena damni, quam patientur, sit illis causa alius mœstia vel doloris? In cuius difficultatis resolutione quatuor invenio diuersas Authorum sententias.

Prima allerit parvulos decedentes sine baptismo, & cum solo peccato originali ex hac vita migrantes, non solum in perpetuum Dei visione privari, sed etiam penam ignis aeterni puniri, ministrantem quām adultos damnatos, cō quod leviori culpâ adstringantur. Ita docent Gregorius Ariminensis in 2. dist. 30. & 31. Driedo lib. 1. de gratia & lib. arbit. tract. 3. cap. 2. & probabile reputat Albertus Magnus in lumina tract. 18. Pro hac etiam sententia acriter pugnat Florentius Conrius Minorita, in tractatu edito ad calcem libri Jansenii, *De statu parvulorum sine baptismo decedentium ex hac vita, secundum mentem B. Augustini*, & ab eodem Jansenio approbat atque laudato lib. 2. de statu nature lapsa cap. 25. in fine. Quo in tractatu contendit Author ille oppositam sententiam, quam à quingentis ferè annis ferè amplectuntur Theologi, esse Pelagianam, & peccatum originale penitus evanescere.

C Secunda docet parvulos in peccato originali decedentes, nullâ quidem penâ sensus fore plectendos, aliquam tamen tristitiam de amissione sua beatitudinis habituros; quæ tristitia pertinet ad ipsam penam damni. Hanc tenent Abulensis super cap. 25. Matth. qu. 666. & 671. Bellarminus tom. i. lib. 6. de ammissione gratiae & statu peccati, cap. 6. & 7. Valentia tom. 2. disp. 6. qu. 17. puncto 4. & probabilem censem Soto, Zumel, Curiel, & alii.

Tertia existimat quod illi parvuli privatim quidem in penam peccati originalis beatitudine supernaturali, in clara Dei visione consiliente, non tamen beatitudine naturali, sita in cognitione & dilectione Dei ut Authoris naturæ; & addit quod post diem judicii illi super faciem terræ veluti in paradiſo quadam terreti habitabunt, pleni sapientiæ, & virtutibus moralibus instruti, & quod Angelorum consortio, ac visitationibus, ex quibus magnum percipient solatium, sapienter fruentur. Ita Catharinus libro de statu parvulorum decedentium sine baptismo, Albertus Campensis controv. t. de peccato origin. proximè ad finem, Hieronymus Savanarola in libro de triumpho crucis. Eamque sententiam probabilem putant Salmeron in cap. 5. ad Roman. disput. 48. Salas, & alii ex Recentioribus.

Ultima & vera sententia defendit parvulos in peccato originali decedentes, penâ quidem damni, in carentia notitiae intuitivæ Dei, naturalisque beatitudinis consiliente, puniri; non tamen penâ sensus, aut interiore dolore seu tristitia, ex carentia boni amissi causata. Hanc quoad omnes partes tenent communiter Scholastici cum Magistro in 2. dist. 31. & D. Thoma ibidem qu. 1. art. 1. & 2. & ad Annibal. dist. 34. qu. unic. art. 4. & qu. 5. de malo art. 2. Unde sit